



Inatsisartunut ilaasortaq Andreas Uldum, Demokraatit  
C/O Inatsisartut Allattoqarfiat  
/Maani

**§ 37-kkut apeqquteqaatip akineqarnera UPA2014/085**

11-04-2014  
Sags nr. 2014-095742  
Dok. nr. 1534196

Marsip 31-anni 2014-imi Naalakkersuisunut ima apeqquteqarsimavitit:

1. Namminersorlutik Oqartussat Tusagassiiviat Namminersorlutik Oqartussaniluunniit atorfillit allat Svend Hardenbergip nalunaarusiaata: "Nukissiorfimmi pisimasut pillugit nalunaarut"-ip suliarineqarneranut akuusimappat?
2. Naalakkersuisoqarfimmi pisortaq Olafur P. Nielsen AG-mut ilisimatitsivoq allattukkanut ilisimaarinninnissaq pillugu qinnuteqaateqartoqarneranut avataaniit advokateqartoqarnissaa pissuteqarsimasoq suli annertunerusumik avammut tusarliussisoqassanersoq nalilerniarneqassammat. Taamaattoq advokat Poul Knudsen allakkiami aallaqqaataani allappoq Namminersorlutik Oqartussat taamatut piumasaqarsimasut tamanut saqqummiussisussaataaneq pillugu inatsit naapertorlugu allattukkanut ilisimaarinninnissaq pillugu qinnuteqaateqartoqarnera tamakkiisumik ilaannakortumilluunniit itigartitsissutigineqassanersoq nalilersussallugu. Taakku marluk tamarmik eqqortuusinnaanngimmata, tamanna pillugu imatut apeqquteqarniarpunga:
  - a. Namminersorlutik Oqartussanit Poul Knudsen akissarsitineqarsimava, uffa isumaqartoqarpassisoq suliassani paasinerlussimagaa, angertoqassappallu; sooq tamanna piva?
  - b. Poul Knudsen ilisimatinneqarnikuua suliassani paasinerlussimagaa, eqqortumillu ingerlatissagaa naqqineqarnikuua. Naaggaartoqassappat; sooq tamanna pinngila?

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

- 
1. Naalakkersuisut ilisimatitsissutigisinnaavaat Svend Hardenbergip nalunaarusiani nammineq suliarisimmagu, tassungalu atatillugu Namminersorlutik Oqartussani atorfilinnit ikiortissarsioranilu ikiorneqarsimanngitsoq.
  2. Februaarip 28-anni 2014-imi Siulittaasup Naalakkersuisoqarfiata Inatsisartut Ombudsmandiannut oqaaseqaatit imaattut nassiuppaat:  
" Januarip 30-anni 2014-imi Inatsisartut Ombudsmandiata Naalakkersuisut Siulittaasuata Naalakkersuisoqarfiata suliaq 2013-089548 "Nukissiorfinni pisortap 2010-mi ukiumoortumi nalunaarutip 2010-meersup peqqissaartumik

misissuivigineqarneranut” tunngatillugu allattukkanut ilisimaarinninnissaq anguniarlugu immikkoortissimavaa immikkut misissugassatut.

Allattukkat Naalakkersuisunut Siulittaasup Naalakkersuisoqarfianeersut misissornerini Ombudsmandip maluginiarsimavaa naalakkersuisoqarfimmi pisortap Svend Hardenbergip ilaatigut Ineqarnermut, Pinngortitamut Avatangiisinullu Naalakkersuisoqarfimmi pisortaq Søren Stach aamma pisortaq Olafur P. Nielsen qinnuigisimagaa allattukkanut ilisimaarinninnissaq pillugu qinnuteqaat eqqartuussissuserisumut takutinneqassasut allattukkat ilisimaarisassat qanoq annertutigissanersut nalileqqullugu, tassungalu tunngatilugu Ombudsmandi oqaaseqaammik noqqaassuteqarsimavoq, aammattaaq naalakkersuisoqarfiup allattukkanut ilisimaarinninnissaq pillugu sammisani attuumassuteqarpallaartarnermut aammalu oqartussaannermut piginnaassuseqartitaannermut malittarisassanut isumaliuutai qanoq ittuunersut.

#### **Sammisap eqqartorneqarnera**

Septembarip 18-ianni 2013-imi tusagassiortoq Bent Højgaard Sørensen, Berlingske Tidendemeersoq Nukissiorfiit pillugit naatsorsueqqissaartartut Deloitte kukkunersiuillutik nalunaarusiaannut 2011-meersumut allattukkanut ilisimaarisagarumalluni qinnuteqaateqarpoq. Tusagassiortup ilassutissatut paasissutigaa nalunaarusiami pisortap Svend Hardenbergip akuusimanera iliuuserisimasaalu pineqartut. Tusagassiortup Bent Højgaard Sørensenittaaq ilisimatitsissutigaa nalunaarusiaq suliarineqarsimasoq Svend Hardenberg soraanngikkallarmalli, nalunaarusiamilu immikkut eqqaaneqarsimanngitsoq Svend Hardenberg susimanersoq soraanngikkallarmallu selskabimut sunniutaa suusimanersoq.

Naalakkersuisut Siulittaasuata Naalakkersuisoqarfiata allattukkanut ilisimaarinninnissamut qinnuteqaat ulloq taanna tigusimallugu, aammalu Ineqarnermut, Pinngortitamut Avatangiisinullu Naalakkersuisoqarfimmut ingerlateqqissimallugu nalunaarpoq. Aammattaaq taamanikkut inatsiseqarnermut ittuugallartup naalakkersuisoqarfimmi pisortaq ilisimatippaa allattukkanut ilisimaarinninnissaq pillugu qinnuteqaat tigusimallugu nassiussimallugulu, taamatullu Svend Hardenberg kaammattorsimallugu suliap ingerlanerani paasiniaanissaa innersuunnanngitsoq. Ullorlu taanna aamma Ineqarnermut, Pinngortitamut Avatangiisinullu Naalakkersuisoqarfiup naalakkersuisoqarfimmi pisortaq Svend Hardenberg ilisimatippaat allattukkanut ilisimaarinninnissaq pillugu qinnuteqaat tiguneqarsimasoq.

Septembarip 19-ianni 2013-imi Ineqarnermut, Pinngortitamut Avatangiisinullu Naalakkersuisoqarfiup Nukissiorfinnut noqqaassuteqarpoq kukkunersiuilluni nalunaarusiaq nassiteqqullugu. Nukissiorfiit nalunaarput siusinnerusukkat nalunaarusiaq Ineqarnermut, Pinngortitamut Avatangiisinullu Naalakkersuisoqarfimmut nassiunneqareersimasoq unnerlugu. Aammattaaq Nukissiorfiit nalunaarutigaat selskabi sammisami tassani AG-mi tusagassiortumit

Andreas Lindqvistimit allattukkanut ilisimaarinninnissaq pillugu qinnuteqaammik tigusaqarsimallutik.

Ineqarnermut, Pinngortitamut Avatangiisinullu Naalackersuisoqarfiup tamanna pillugu naalackersuisoqarfimmi pisortaq Svend Hardenberg aamma inatsiseqarnermut ittuugallartoq ilisimatippaat allattukkanut ilisimaarinninnissaq pillugu qinnuteqaatinik marlussunnik tigusaqarsimallutik taakkulu pillugit siunnersoqqullutik.

Naalackersuisoqarfimmi pisortaq Svend Hardenberg nalunaarpoq nammineq sammisamut attuumassuteqarpallaarnini pissutigalugu suliamut akuusinnaanani, suliallu ingerlaqqinnissaa pillugu Ineqarnermut, Pinngortitamut Avatangiisinullu Naalackersuisoqarfik aqutsisuussasoq, inatsiseqarnermullu ittuugallartoq nalunaarpoq Inatsiseqarnermut immikkoortortaarfik sammisami siunnersuinissamut tapertaassalluni piareersimasoq.

Ineqarnermut, Pinngortitamut Avatangiisinullu Naalackersuisoqarfik kingusinnerusukkut ilisimatitsivoq inatsiseqarnermut ittuugallartoq oqaloqatigisimallugu, naalackersuisoqarfillu allattukkanut ilisimaarinninnissaq pillugu qinnuteqaatit inatsiseqarnermut ittuugallartoq peqatigalugu sammineqarumaartut, ittuugallartorlu journalimut oqaaseqaammik allagaqarluni nalunaarpoq sammisami aalajangersimasumi tassani allattukkanut ilisimaarinninnissaq pillugu qinnuteqaatinut itigartinneqarnissaanut pissutissaqanngitsoq.

Ulloq taanna Ineqarnermut, Pinngortitamut Avatangiisinullu Naalackersuisoqarfik ilisimatitsivoq allattukkanut ilisimaarinninnissaq pillugu qinnuteqaatip allakkiat pingasut alakkassallugit noqqaassutigisimagai ukuusut: Deloittep Ineqarnermut, Pinngortitamut Avatangiisinullu Naalackersuisoqarfimmut allagaa 25. februarip 2013-imi ullulerneqarsimasoq, aamma Naalackersuisoqarfiup Deloittemut 4. marts 2011-mi noqqaassutaa, aammalu Deloittep suliarinneqqinnera 8. april 2011-mi ullulerneqarsimasoq.

Aammattaaq Ineqarnermut, Pinngortitamut Avatangiisinullu Naalackersuisoqarfiup ulloq taanna inatsiseqarnermut ittuugallartoq ilisimatippaa naalackersuisoqarfiup naalackersuisoqarfiup ittua Svend Hardenberg ataatsimeeqatigisimallugu AG-p naalackersuisoqarfiup ittua Svend Hardenberg attuumassuteqartutut ilassuteqaqqusimammagu. Ataatsimiinnermi tassani isumaqatigiittoqarsimavoq naalackersuisoqarfiup ittua Svend Hardenbergip Poul Krarup AG-meersoq ataatsimeeqatiserissallugu attaveqarfigissagaa. Ineqarnermut, Pinngortitamut Avatangiisinullu Naalackersuisoqarfiuttaaq ilisimatitsissutigaa naalackersuisoqarfiup pisortaata Svend Hardenbergip noqqaassutigisimagaa allattukkanut ilisimaarinninnissaq pillugu eqqartuussissuserisoq Poul Knudsenimut qinnuteqaatit qanoq annertutigisut nalilersinnaaniassammagit tassunga aamma saqqummiunneqarsimasut.

Septembarip 20-anni 2013-imi Ineqarnermut, Pinngortitamut Avatangiisinullu Naalackersuisoqarfimmi pisortaagallartup ilisimatitsissutigaa pingajussaanik

allattukkanut ilisimaarinninnissaq pillugu qinnuteqaammik tusagassiortoq Jonas Løvschallimit, KNR-imit tigusaqarsimalluni.

Ulloq taanna eqqartuussissuserisoq Poul Knudsen allakkialiorpoq ingerlatsinermi tamanut ammasumi malittarisassat suunersut ilisimatitsissutigalugit, taassumattaq iluani allattukkat qanoq ittut ammasumik pineqassanngippata malittarisassat tassani qanoq ittuunersut, ingammik sammisami allattukkat pingasut alakkarumallugit noqqaassutaasimasut eqqarsaatigalugit. Eqqartuussissuserisoq inerniliivoq taakkununga tunngassutilinni itigartitsinissamut pissutissaqanngitsaq.

23. september 2013-imi tusagassiortoq Bent Højgaard Sørensen, Berlingske Tidende, tusagassiortoq Andreas Lindquist, AG, aamma tusagassiortoq Jonas Løvschall, KNR minitaraqatik allattukkat pingasut qulaani eqqartorneqartut tamarmiutillugit alakkarsinnaalerpaat.

30. januar 2014 Inatsisartunut Ombudsmandip noqqaassutigaa sammisamut tunngasumik oqaaseqaasiortoqassasooq, tassungalu ilanngullugu Naalakkersuisut Siulittaasuata Naalakkersuisoqarfiata suliamut attuumassuteqarpallaarnermut tunngasuni malittarisassat allattukkanullu ilisimaarinninnissamut tunngassuteqartuni oqartussaassuseq pillugu qanoq isumaliuteqartoqarnersoq.

5. februar 2014-imi taamanikkut Ineqarnermut, Pinngortitamut Avatangiisinullu Naalakkersuisoqarfimmi pisortaasimasooq maannamut Ineqarnermut, Pinngortitamut Avatangiisinullu Naalakkersuisoqarfimmi pisortaalersumut Olafur P. Nielsenimut – Ombudsmandip saaffiginnissutaa tunniussimallugu – ilisimatitsissutigaa Ineqarnermut, Pinngortitamut Avatangiisinullu Naalakkersuisoqarfik 19. september 2013-imi allattukkanut ilisimaarinninnissamut alakkaajumalluni qinnuteqaatinik marlussunnik tigusaqarsimasooq assigiinngitsunik oqaasertaqartunik. Naalakkersuisoqarfimmi pisortap Svend Hardenbergip attuumassuteqartutut ilassuteqarnissaa AG-p noqqaassutigisimammagu naalakkersuisoqarfinni pisortat Svend Hardenberg, Søren Stach Nielsen aamma pisortaasimasooq Olafur P. Nielsen ataatsimiissimannerannut inaarutitut pisortap nalunaarussiaq ataasiinnartut isiginagu allakkat immikkoortut pingasuusut innersuussutigalugu naalakkersuisoqarfimmi pisortaq Svend Hardenberg ilisimatissimavaa Ineqarnermut, Pinngortitamut Avatangiisinullu Naalakkersuisoqarfiup eqqartuussissuserisoq Poul Knudsen nalileeqqusimagaa inatsit naapertorlugu allagaatinik takunnissinnaatitaaneq imaluunniit tamanut ammanerusuunissaq pillugu malittarisassat naapertorlugit takunnissinnaatitaaneq akuerineqassanersoq. Tamanna naalakkersuisoqarfimmi pisortap Svend Hardenbergip tusaatissatut tiguaa.

Naalakkersuisoqarfimmi pisortap Olafur P. Nielsenip tamatumunnga tunngatillugu maluginiarsimavaa eqqartuussissuserisoq Poul Knudsenimut saaffiginninnissamut aalajangerneq naalakkersuisoqarfiup pisortaata Svend Hardenbergip peqquneratigut pisimangitsoq, naak tamanna Ineqarnermut, Pinngortitamut Avatangiisinullu Naalakkersuisoqarfiup mailia naapertorlugu taamatut paasineqarsinnaagaluartooq, tassami siusinnerusukkulli naalakkersuisoqarfimmi pisortap Svend Hardenbergip

nalunaarutigereermagu suliassamut attuumassuteqarpallaarnini pissutigalugu akuusinnaanani. Tassa pisortaasimasut Olafur P. Nielsenip aalajangigaraa eqqartuussissuserisoq Poul Knudsenimut saaffiginnittoqassasoq.

### **Naliliineq**

Tusagassiortunit pingasunit allattukkanik takunnissinnaatitaanermik qinnuteqaatit tamarmik kingusinaartinneqaratik suliareqqitassatut Ineqarnermut, Pinngortitamut Avatangiisinullu Naalackersuisoqarfimmut nassiunneqarsimapput.

Naalackersuisoqarfimmi pisortaq Svend Hardenberg allattukkanik takunnissinnaatitaanermik qinnuteqaatit tigu neqarsimanerannik ilisimatinneqarpoq, inatsisilerinermut ittuugallartumit aamma Ineqarnermut, Pinngortitamut Avatangiisinullu Naalackersuisoqarfimmit.

Ineqarnermut, Pinngortitamut Avatangiisinullu Naalackersuisoqarfiup naalackersuisoqarfimmi pisortaq Svend Hardenberg aamma inatsisilerinermut ittuugallartoq siunnersoqqullutik saaffigimmassuk, naalackersuisoqarfimmi pisortaq Svend Hardenberg nalunaarpoq nammineq suliassamut attuumassuteqarpallaarnini pissutigalugu akuusinnaanani, suliallu ingerlateqqinneqarnissaa Ineqarnermut, Pinngortitamut Avatangiisinullu Naalackersuisoqarfimmut ingerlateqqillugu. Tassungattaq atatillugu inatsisilerinermut ittuugallartoq nalunaarpoq Inatsilerinermut immikkoortortaqaarfik sammisami siunnersuinissamut tapertaassalluni piareersimasoq.

AG Ineqarnermut, Pinngortitamut Avatangiisinullu Naalackersuisoqarfiup naalackersuisoqarfimmi pisortaq Svend Hardenberg inatsisilerinermullu ittuugallartoq siunnersoqqullutik saaffigimmagit attuumassuteqartutut ilassuteqaqqullugu, Ineqarnermut, Pinngortitamut Avatangiisinullu Naalackersuisoqarfiup naalackersuisoqarfimmi pisortaq Svend Hardenberg ataatsimeeqatigaat, tassanilu isumaqatigiittoqarsimavoq Svend Hardenbergip Poul Krarup, AG, ataatsimeeqatiserissagaa. Ineqarnermut, Pinngortitamut Avatangiisinullu Naalackersuisoqarfiup ataatsimiinnerup kingorna inatsisilerinermut ittuugallartoq ilisimatissimavaa naalackersuisoqarfimmi pisortap Svend Hardenbergip ataatsimiinnerup nalaani allattukkanik takunnissinnaatitaanermut qinnuteqaatit eqqartuussissuserisoq Poul Knudsenimut allattukkat alakkartigassat qanoq annertussuseqartiginersut nalileqqullugit takutinneqassasut noqqaassutigisimagaa.

Tamatuma kingorna taamani Ineqarnermut, Pinngortitamut Avatangiisinullu Naalackersuisoqarfiup pisortarisimasaata Olafur P. Nielsenip sammisami tassani paasissutissat siusinnerusukkut tusarliussimasani naqqissimavai erseqqissarlugulu naalackersuisoqarfimmi pisortaq Svend Hardenberg ilisimatissimallugu eqqartuussissuserisoq Poul Knudsenimut saaffiginnilersaarluni nalileqqullugu inatsisit naapertorlugit allattukkanik takunnissinnaatitaanermut aamma tamanut ammanerusuunissaq pillugu malittarisassat naapertorlugit takunnissinnaatitaaneq akuerineqassanersoq. Tamanna naalackersuisoqarfiup pisortaata Svend Hardenbergip tusaatissatut tigusimavaa.

## **Inerniliineq**

Suliami tassani malunnarpoq allattukkanik takunnissinnaatitaanermut qinnuteqaatit uninngateqqaarnagit Ineqarnermut, Pinngortitamut Avatangiisinullu Naalakkersuisoqarfimmut oqartussaasut eqqortumut ingerlateqqinneqarsimasut, tak. Pisortat ingerlatsineranni suliassat suliarineqartarnerat pillugu Inatsisartut inatsisaat nr. 9, 13. juni 1994-imeersumi § 15, immik. 1, taassumalu kingusinnerusukkut allannguutai.

Naalakkersuisoqarfimmi pisortaq Svend Hardenberg qaqugukkulluunniit qinnuteqaatit sammineqarnerini akuusimangilaq. Naalakkersuisoqarfimmi pisortap Svend Hardenbergip suliamut attuumassuteqarpallaartunut inatsisit malittarisassat tamaasa tunaartarisimavai, siusissorujussuakkullu nammineq suliassamut attuumassuteqarpallaarnini pissutigalugu akuusinnaannginnini nalunaarutigisimallugu, suliassallu ingerlateqqinnissaa Ineqarnermut, Pinngortitamut Avatangiisinullu Naalakkersuisoqarfimmit aqunneqartussatut ingerlateqqissimallugu.

Kissaatiginarsimagaluarpoq allattukkanut takunnissinnaatitaanissamut qinnuteqaatit eqqartuussissuserisumut avataaneersumut saqqummiunneqarnissaat naalakkersuisoqarfimmi pisortamut Svend Hardenbergimut eqqaaneqarsimassanngitsut, taannami suliamut tassunga attuumatinneqanngilluinnarnissani qinnutigereersimammagu.

Inussiarnersumik inuulluaqqusillunga

Kim Blokbo

Inatsisilerinermi pisortaq.”

Naalakkersuisut Inatsisartut Ombudsmandiata oqaaseqaatai tunaartaraat.

Naalakkersuisut tapertassatut ilisimatisissutigisinnaavaat allattukkanut ilisimaarinninnissaq pillugu tusagassiortunit qinnuteqaateqarneq akuerisimammassuk. Siusinnerusuklut Pinngortitamut Avatangiisinullu Naalakkersuisoqarfiup allattukkanut ilisimaarinninnissaq pillugu tusagassiortunit qinnuteqaateqarneq itigartissutigisimagaluarpaat. Taamatut aalajangernerigaluaq marsip 12-ani 2014-imi qaqeqqinneqariarluni atorunnaarsinneqarpoq inatsisilerinermut pisortap peqqusineratigut. Tamatuma kingorna allattukkat tusagassiortunut tunniunneqarput.

Inussiarnersumik inuulluaqqusillunga

*Aleqa Hammond*  
Aleqa Hammond